

Cracoviensis Studior. Univ. Sigilli.
Promotiones Ordinis Philosophar.
1697 24 Octobris.



3551


Kalkomp.



Mag. St. Dr.

P

Lopuszynski Joannis Alberti. Pallas Steyeritica
virentibus laureatae fagidentrae corymbis
in V. IV. d. primae laureae Candidatis co-
ronata.



PALLAS
STAGYRITICA,
Virentibus Laureatæ Sapiētiæ Corymbis,
IN V. VV. DD. PRIMÆ LAUREÆ
CANDIDATIS,
CORONATA.

*ac dum ijdem, per
Clarissimum, & Excellentissimum Dominum,*

D. M. THOMAM
SOWINSKI,

Philosophiæ Doctorem & Professore,
Collegam Minorem,

in Augusto Divi Iagelonis Archilyceo,

*Præsente Nobilissimâ Magnorum Hospitum, &
Senatûs Academici Coronâ,*

Ritu Solenni,

Artium, & Philosophiæ Baccalaurei,
RENVNTIARENTVR;

A
JOANNE ALBERTO LOPUSZYNSKI,

*Eiusdem Laureæ Candidato,
in vim fraterni erga Concandidatos affectûs,
Panegyrico applausu*

CELEBRATA.


Anno,

QVo AVgVstVs ReX, LeChlaDVM Vngebat Vr In Orbe.

Die 24. Octobris.

CRACOVIAE TYPIS UNIVERSITATIS.

IN GENTILITIVM INSIGNE,
Illustrissimi & Reverendissimi
Domini.



Hostibus invisum Signum, solenne Triumphis
CRUX, pretium mundi, Christi adûm decus.
Hac dum resplendet, velut inter, luna, minora
Astra Poli; Vivat POTOCIANA DOMUS.

ILLVSTRISSIMO & REVERENDISSIMO DOMINO,

D. THEODORO

IN POTOK ET CZORTKOW

POTOCKI,

NOMINATO EPISCOPO CULMENSIS & POMESANIE,
CANONICO CATHEDRALI CRACOVIANI, PRÆPOSITO PRÆ-
MYSLIENSI, SCHOLASTICO SANDOMIRIENSI &c. &c.

Domino, Mecænati Colendissimo.

NUnquam rectiori tramite, cum Stagyritica nostra
Pallade, ad capeſſenda Laurea cucurriſſemus Tro-
phæa; niſi ſub Gentilitia Tua CRUCE metam, &
terminum inveniſſemus. Illuſtriſſime & Reveren-
diſſime Domine. Quippe cum Natalis Ceſſiſſimæ Domûs Tux
Splendor, & Avitum Decus, non aliter, ac ſi ſalutare quoddam
terris deſuper immiſſum Sidus, in omnium pridem aſſuſſerit ani-
mis; univverſam boni publici provinciam, aureo ampliſſimorum
meritorum illuſtrans radio; ad quod publica Patriæ deſideria,
ac priuata populi vota, eodem nutu traherentur; optata felicitatis
acceptura ſplendorem: cumq; inter dubios caſus, rerumq; even-
tus, congeſtis undiq; in commune neſas periculis, toties Patria,
ſub Triumphali hoc Trophæo, tutelam, & præſidium inuenerit:
etiã Novella Literarum Laureata, ad hoc commune Regni
Sarmatici conſugiunt Aſylum; quod hodie integer Orbis Chri-
ſtianus, Maieſtate firmata SERENISSIMI AC POTENTISSIMI PRIN-
CIPIS AVGVSTI II. Poloniarum REGIS, ad clari tudinem
Gentis Polonæ conſirmit & approbat. Nec aliter cernere velim,
quã Superum beneficio, Gentilitium hoc Inſignæ, in munimen
Antemurali Chriſtianitatis Regno huic promiſſum, quod aduerſæ
Gentes fugerent; Patria longo ſæculorum tractu ſpectaret; conti-
nuo Ducalis Clauæ ordine & militari Imperio, Senatorijs Curu-
libus, Principum Mitris, aliſq; ſupremis honorum ſubſellijs cir-
cumdatum: ut quod per alias Clariſſimas Familias ſparſum, hoc
in POTOCKIANA DOMO collectum venerari, ſit neceſſe. Lon-
gauâ Maiorum tacitâ ſerie; ſi vel Parentis Tui Illuſtriſſimi olim
PAVLI POTOCKI, Caſtellani Camenecenſis, fortiſſimi
Patriæ, Divûmq; Deſenſoris, Cyneæ Sarmatici; ac Illuſtriſſi-
morum & Excellentiſſimorum Dominorû Patruorum Tuorum,
AND.

ANDREÆ POTOCKI, Castellani olim Cracoviensis, Exercitu-
 um Regni Campiducis, viui, etiam post fata, Heroum, Senato-
 rum, Ducumq; Prototypi; & FELICIS POTOCKI hodierni
 Palatini Cracouiensis, Exercituum Regni Campiductoris, pro
 bono publico ardentissimi Zelatoris, Alcide Poloni, intaminatam
 erga Reges, Patriamq; fidem, & amplissima Domi, Forisq; merita,
 in Tui Nominis gloriam habere velis; assurget eodem momento
 Orbis maximorum Trophaeorum, & augusti Sanguinis presenti
 recordatione beatus; ut uniuersam Gentis Polonae propaginem,
 ad POTOCIANÆ CRVCIS arma, simulq; perpetuo virentes
 Victoriarum, ac Triumphorum Laurus, liceat intueri. Millenia
 alijs omisis POTOCIANIS Heroibus, & augustis Nominibus,
 nec inter angustias chartae constringere valeo Illustrissimos &
 Magnificos Dominos Fratres Tuos Castellanos Camenenses, Suc-
 camerarios Halicienses, Capitaneos Czercuienses, aliosve mili-
 taribus Praefecturis insignes, Sarmaticos Scipiones, gloriosè sub
 Gentilitio Trophaeo militantes Heroes. ad Te ipsum sermonem
 flecto Illustrissime & Reverendissime Domine, cuius paludamen-
 tum honoris, noua ambiunt Cathedra, & Subsellia; cuius meri-
 ta in aprico posita, intuentur singuli; Patria, & Ecclesia lata,
 novum praesidium veneratur. Et quis Tuam ignotam Orbi exi-
 stimaret virtutem? qui Cleri Numen, Ecclesiarum Decus, pretio
 sua Corona Vaucliana Vnio, Orthodoxae Fidei Propugnator, im-
 mortalium rectefactorum Pollux, aureum eruditionis, & sapientiae,
 per exteras Nationes, Domiq; per Aulas Regum, diffusum iubar
 refulges. Quid memorem palmare gloriae Tuae vel ex inde de-
 cus? quod ad honorarium Reip: positus Officium, omni seposito
 otio commodis Patriae allaborasti: sane nouus Atlas portatores hu-
 meros, labenti Sarmatia Calo supposuisti; ne assiduis malorum
 aestuans fulminibus, succumberet. Igitur cum Stagyritica Pallas
 Maximo Tuo Nomini, nostros coronatos virentibus Laureis in-
 clinat vertices; eam, nosq; cultores eius protege, & fove; quem se-
 licem & longaeuum, Episcopali illico ornandum Tiara, per mun-
 di Triones publica resonet fama: ac tandem Tuae natalium vir-
 tutum, & meritorum amplitudini, post Praefuleos honores, trabe-
 ata Purpura succedat. Ita vouet & precatur.

ILLUSTRISSIMÆ & REVERENDISSIMÆ DOMINA-
 TIONIS VESTRÆ

Humillimus Client

JOANNES ALBERTUS Łopuszynski, Primæ Laureæ Candidatus.

D. JOANNI
CANTIO,
CONFESSORI,
Orbis Poloni, & Almæ Universitatis Cracoviensis
TVTELARI.

Corona Muralis Aurea,
*quæ olim dabatur ab Imperatoribus illi, qui primus Murum
conscendisset; & hostem ab Urbe repulisset.*

CUM LEMMATE:

Dive Victor jo Triumphe!



Vicunq; dexter Martis acinace,
Et bellicoso (totus ahæneus)
Thorace, fregisset tumorem;
Atq; minas ferientis hostis;
Primusq; Muros concutientium
Salvâset Heros; obsidioneq;
Eliberâset; & quietem
Qui placidam tribuisset Vrbi:
Inexplicatis ille favoribus,
Cedroq; dignis Regis amoribus,
Evectus in cellos honores,
Munera sumpsit ab hoc, Coronam.
Patrone Gentis maxime Lechicæ,
Divine CANTI, gemma, nitor, jubar
Nostri Lycei, Literarum
Grande decus, Columnen, basiq;
Corona (supplex quam Tibi dedico)
Muralis hæc est aurea, belliger
Heros Tonantis, quam merebas
Ingenij probitate certans.

Defensor Orbis Sarmatici, aureo
Nitore fulges mentis eburneæ:
Virtute sublimi coruscus,
Maxime Victor jo triumphas.
Athleta fortis sic diademate
Amictus, esto terribile hostibus
Scutum feris, Tutela, Nostri
Præsidium, & Moderator Orbis.
Quando feroces barbaries vomet
Furoris ignes; atq; Polonicum
Evertere attentabit Orbem;
In furiasq; ciebit Orcum;
Quando doloso pectore Tartari,
Exulcerato dirè animo furent;
Strygem vocabunt, & Megæras;
Sarmatiæq; necem parabunt;
Tunc Dive Muris prospice Patriæ;
Tunc tela telis contere fortibus;
Suppone iam pressæ lacertos;
Barbaricas remove cohortes.
Martis minaces comprime comprime
Iras: Triumphos Lechicus occinat
Orbis: Coronatus serenos
Annumeret sine nube soles.
Quem gloriosis fama iugalibus
Vehat per Orbem, per mare, per solum,
Sub astra Cæli; quo remota
Cymmerios vehit Vrsa Currus.
Et dissidentium pectora Civium,
Sacrationi nocte suaviter
Enthusiasmo; nocte voto
Vnanimi; cohibe ruinas.
Adfer serenum latitiæ mane:
Umbras dolorum discute discute.
Ab hostibus Nostras virentes
Dive (peto) tueare laurus.

Clarissimis, Excellentissimis, & Admodum Rndis Dominis,
DD. EXAMINATORIBVS,

Clarissima, & Excellentissimo Domino,

**D. M. ALBERTO IOSEPHO
D Z I E L S K I,**

Philosophiæ Doctori, Collegæ Minori, Ordinario
Pòeseos Professori, ac interim
Philosophicæ Facultatis DECANO.

Clarissimo, Excellentissimo, & Admodum Reverendo Domino,

**D. M. G A B R I E L I
P R O F E C K I,**

Philosophiæ Doctori, Collegæ Maiori, Regio, & Cursus
Vladislaviani Professori, Præposito Rymanoviensi,
Curato Michaloviensi.

Clarissimo, & Excellentissimo Domino,

D. M. THOMÆ SOWINSKI,

Philosophiæ Doctori, Collegæ Minori,
in argumentum debitæ venerationis, & gratitudinis,
Coronæ Triumphales, quæ olim ob honorem Tri-
umphum mittebantur Imperatoribus.

CUM EPIGRAPHE:

Hæ, sunt Vestri signa Trophæi.



*Rande Victorum decus, & Corona,
Ac parens vita, pretiumq; mentis,
Sola subridens gelidum superstes
Fama sepulchrum;*

Az

lam

*Iam satis terris, satis es retenta
Turribus mundi, Capitolijq;
Caesares, Reges, satis inter ipsa
Astra locasti.*

*Brachijs surgens tumidis superba
Urbs Quirinalis, retulit Virorum
Gesta: sed cesses resonare Nomen
Fama celebre.*

*Advoles huc huc properante pennâ;
Quæ celer doctus comitata Musis,
Visites felix supereminentis
Culmina Pindi.*

*Debitas omni meliore cultu,
Dexterâ ponas niveâ coruscas,
Ingeni nostri Ducibus Coronas,
Tempora circum.*

*Barbiton Phæbus moveat canorum:
Gestiat Pallas; resonetq; plausus:
Ac Camanarum saliat triumphans
Turba Nouena.*

*Quem suum nuper NOVODVORSCIANÆ
Cynthia, prona coluere Musæ,
Te canant DZIELSKI, decus ô Sophorum
Atq; Corona.*

*Tu coronasti Lechicas Camanas;
Melleum nectar Studij luventæ
Nobili fundens, voleamq; suadam
Ore disertio.*

*Plurimi Chiron celebrant Achilles
Te; stupet doctus Iagelonis Orbis;
Cum Sophus nexus varios, secundâ
Arte resolvit.*

*Gesta Magnorum celebras Virorum;
Et canis laudes: toties Locisq;
Publicis clarus remanes, Sophorum
Dogmata pandens.*

Candida mentis, sapientiaq;
Fons inexhaustus, Cathedraq; magnum
Lumen existis; recreasq; cunctos,
Rite docendo.

Hinc Decanali merito coruscus
Purpurâ fulges: serie laborum
Iam triumphatâ (mea Musa poscit)
Io triumphe!

Et Tuum pectus nitidis decorum
Artibus, magna radios PROFECKI
Mentis emittens, operosa semper
Barbita poscit.

Poscit & laudes, celebresq; plausus:
Quem super docti vehit Orbis axem
Fama victorem; resonatq; lato
Carmine Nomen.

Scilicet Stoa decus aeternum
Permanes: nodos resecas Sophorum
Gordios, artem solidam ministrans,
Victor ubiq;.

In sacris aurum, teretesq; gemmas
Ore diffundis Cathedris; peroras
Quando pro Divis Lechicus Pericles,
Tullius atq;.

Omnibus gratus superis, & imis
Es; Tuae mentis probitas relucet
Tulchrius; gratas loqueris Camanas
Pectore suavi.

Desinit plausus Tibi Musa latos:
Ast adhuc Cursus geminat Trophæa
Glorie Vladislavianus: ergo
Io perennes!

Et Tuas laudes celebrare gestit,
Docte SOWINSKI mea Musa: Turbae
Qui Camenarum roscos lepores
Spargere nosti.

Porticus docta, sapientiæq;
Aula Te Divi Iagelonis olim
Arte nutrit: Tua magna, nunc jam
Computat acta.

Quem seu doctum Peripatus ambit;
Sæu vocant Musa; Ciceronis atq;
Suada. respondes satis eminenter
Pectore docto.

Aureum sidus, subar eruditi
Orbis, excelsum Columenq; Templi,
Qui regit Fasces Iagelonis; atq;
Sceptra coronat.

Gloriam, famam decorat perennè;
Ac Tuum Nomen Patruus colendus:
Vocibus cuius celebranda centum
Maxima virtus.

Ergo dum tantis radijs resulges
Nominis Magni; probitate mentis
Clarus, & multis studijs decorus,
Vive secundus.

Viue quin nostri pretium laboris
Ternio pulcher, decus, atq; gemma:
Laureatorum capitum perennis
Vive Corona.

Duc triumphales sine nube soles:
Quem remotas per vehet Orbis Oras,
Nomen & doctum celebrabit ipsa
Fama superstes.

Concinent Musæ Tibi vota grata:
Laurea Nostra virides, Trophæi
Sint Tui fausti, celebrisq; signa
Lata Triumpho.



PALLAS STAGYRITICA,

Virentibus Laureatæ Sapientiæ Corymbis,
in v. VV. DD. primæ Laureæ CANDIDATIS,

CORONATA.

I. V. D. VALERIANO WECHALSKI.

*Corona Castrensis, quam olim donabat Imperator illi,
qui primus hostium castra introiisset.*

CUM LEMMATE:

Te ambit ista Corona.

Regnorum pretium paucis reperibile gazis,
Summus honos, & dos pulcherrima, læta Corona,
Victorum frontes ornans, & tempora cingens,
His venit ex facili campo; frontemq; revincit;
Quos labor assiduus, duri casusq; probârunt;
Et quos adversæ jactârunt nomina sortis.
Herculeo hæc, ausus per fortes, quæritur æstu;
Necnon per longos tractus, studiumq; paratur.
Hæc Tibi pro meritis debetur jure WECHALSKI;
Quem natura potens, virtusq; simillima Divis,
Dotibus eximijs animi, mentisq; beavit.
Cû Tu sollicitas curas impendis; & inde
Magnum munus habes, quando præcellis in omni
Cultu doctrinæ, morum præstante decore:
Tullius eloquio felix celebraris acuto:
Docta Sophi genio felici dogmata pandis:
Ac alias pulchra serie complecteris artes.
His venit almus honos ex Aulis nomine magnis.
DENHOEF, MECINII, quæis Tu documenta dedisti
Spectatæ vitæ: dignum Sapiëntia fecit,
Et virtus quæis Te: morum comitasq; probavit.
Ergo Laurigeros meritis dum sumis honores

Ecce Tibi Pallas Castrensem necit amicam,
Ex viridi Lauri capias quam fronte Coronam.
Quâ cinctus celsum conscendas culmen honoris:
Altius ex voto magnæ virtutis iturus.

III. V. D. MICHAELI STAPORKIEWICZ.

*Corona Obsidionalis, quam Obsidione liberati dabant
Liberatori suo.*

CUM EPIGRAPHE:

Tuum hæc Nomen adornat.

Dum perspicaci cernere palpebrâ,
Intendo prisce munera temporis;
Quæ Liberatori vetustas
Contulit, obsidione adempta:
Erant, perennis laudis adorea,
Hæc; gloriosi Symbola Nominis;
Dantur Tibi quæ; cum Coronam
Pro meritis capias virentem.
Hucusq; strictis obsidionibus,
Detenta mansit Pieridum Cohors;
Apollo, Pallas eruditi;
Laude pares fuerant ligati;
Nunc obligati; quos ubi cerneres
STAPORKIEWICZ; mox in Tua singuli
Sunt vota liberi: lubenti
Hanc animo Tibi dant Coronam.
Sit nempe fas est ingenium Tuum,
Sat eruditâ dote reconditum,
Hoc esse præcinctum decore:
Iste decet Tua facta splendor.
Hoc liberantis conuenit en Tibi
Nomen; quod inter limina Palladis
Doctas resoluis quæstiones;
Eloquio Cathedras decoras.

Sacra-

*Sacratior Te Pieridum Cohors
Exambit; in Te pulchrius eminet
Virtus: perennis vine quare,
Laurigero decorate serito.*

IV. V. D. STANISLAO RUDNICKI.
Corona Civica, quæ dabatur illi, qui Cinem à morte liberasset.
CUM LEMMATE:

Merces virtute paratur.

Heros magnanimo robore præditus,
Olim Municipem mortis ab horridæ,
Qui fato eriperet; falcis acumen &
Eius frangeret impetum.

Pulchro pro meritis cinctus erat suis
Serto; quod fuerat maxima nominis,
Et famæ celebris portio; tempore
Omni pulchrius emicans.

RVDNICKI, Tibi ego pectore candido,
Istam Municipum consecro Lauream;
Quam sudor meruit Palladius; tulit
Virtus ingenij Tui.

Deberes celeri tendere in æthera
Pennâ; fidereis in regionibus
(Divûm summus ubi Iuppiter eminet)
Sedem figere gloriæ.

Qui seu Rhetoricis fontibus innates;
Seu solvas solido pectore dogmata;
Stoæ es delictum: suada disertior,
Dotes condecorat Tuas.

Famæ Laurigeras nectit adoras
Phæbus pro meritis: mentis eburnæ
Resplendet probitas: explicat aureum
Docti vis genij decus.

Ergo dum nitidam vertice Lauream
Geris; Nobilibus Palladis artibus
Clarus vive diu: præmia det Deus,

C

Cæli sidera qui regit.

V.

V. V.D. MARTINO GRUCKI.

*Corona Ovalia, quâ utebantur Imperatores, dum ovan-
tes Urbem ingressi fuissent.*

CUM EPIGRAPHE.

Sic Victrix Sapientia ovat.

CLio gesta canens, celebres memoransq; triumphos,
Sacula cuncta quibus condecorata manent:
Huc celeri passu properes; ornesq; Coronas;
Cinxere Heroes tempora lata queis.
Quin & Palladijs in Castris arte parata,
Condecoros lato Carmine facta virum,
Pulchrius effulgent sublimi in vertice, doctum
Ornant quæ pulchrè Laurea ferta caput.
Hinc quoq; paanas, plausus, dulcesq; Triumphos
Latina, docti promeruere viri.
Te loquor ô GRUCKI! qui dignus Miles Ovali
Es fertò, in Studijs lata Trophæa canens.
Scilicet ipsa Tibi palmam dat Turba Sophorum,
Præcingit Lauro docta Minerva caput.
Dotibus ingenij fulges; decorasq; Cathedras:
Eloquij & Stoæ pulchra Corona manes.
Pieridum numero Vatum Te Spiritus ambit:
Demulces suavi pectora voce Virum.
Non minor inde Tibi consurgit portio laudis;
Flectere quod multos in Tua vota scias.
Omnibus es charus, Divis quoq; mens Tua grata:
Virtutiq; Tua sidera celsa fauent.
Omne felici, claudis fortissimus agmen
Heros: pro meritis, Laurea ferta capis.
Hinc dum Laurigeris Sertis es Nostra Coronis;
Ex astris detur digna Corona Tibi.

H. V.

II. V. D. IOANNI ALBERTO
ŁOPVSZYSKI

Primæ Laureæ CANDIDATO,
Authori Operis.

in Symbolum mutui affectûs, & gratulatorij
applausûs,

V. D. MICHAEL STAPORKIEWICZ.

Eiusdem Laureæ Candidatus, Offert, dicat, Consecrat,
*Coronam Naualem, quam antiquitus merebatur ille, qui
primus Maritimo prælio hostium Nauem, vi ar-
matus, transilisset.*

CUM LEMMATE:

Posthac Victoria maior.

Regna Neptuni, Tethyosq; sedes
Vicerat quisquis; stupefacta monstra
Æquoris, quisquis generosus Heros
Vicerat olim:

Impias sævi manibus phalanges
Hostis, & diras rabie furentes,
In mari quisquis domuit catervas,
Marte secundo.

Ille Navalem meruit Coronam:
Militis dextri pretium perenne;
Nobilis famæ decus æviternum;

Parq; Triumphis.

Scilicet, celsi veneranda fama
Nominis Princeps, vehit ad Triones
Orbis excelsos; memorando digna
Facta Virorum.

Quid loquar de Te celebrande Vates?
Miles, in Campo, generose, doctæ
Palladis, nostros celebrans labores
Carminè lato.

Tu co-

Tu coronâsti, nimiùm decorè,
Vertices Fratrum viridante seroto:
O! ŁOPVSZYSKI! Tua penna nobis
Gratior exstat.
Mille debentur Tibi jam Coronæ;
Quæ Tuum cingant caput eruditum:
Plausibus festis, celebriq; voto,
Dignus haberis.
Te canent Musæ modulante buxo:
Et Tuas laudes, super astra docta
Efferet Pallas: celebrabit ipse
Doctus Apollo:
Cuius à lingua resonat perennis
Laus Camænarum: Peripatus, atq;
Svada facundi Ciceronis in Te,
Rite triumphant.
Ergo iam victor celebris perennes:
Nominis docti decus æviternum
Vivito nostras celebrans Coronas
Optime Vates.

Sub Felicissimis Auspicijs
Magnifici, Perillustris, & Admodum Reverendi Domini,
D.M. CHRISTOPHORI FRANCISCI
S O W I N S K I.
S. Theologiæ Doctoris & Professoris, Collegæ
Maioris, Ecclesiarum Collegiatar: SS. Omni-
um Crac: Præpositi, ad S. FLORIANUM Floren-
tiæ Decani, Cancellarij Posnan: Custod: Pile-
censis, Curati Prosovicens: Contubernij
Philos: Provisoris, Studij Almæ Vni-
versitatis Crac: General: & Vigil:
R E C T O R I S.

Biblioteka Jagiellońska



stdr0009448

